

Powšitkowne WOZJEWJENJA

njedzelu, 9. februara 2020

Hłowna zhromadźizna TCM

Předsydstwo Towarstwa Cyrila a Metoda z.t. (TCM) přeprašuje wšitkich člonow towarstwa, člonow sekcijow a korporacijow kaž tež zajimowanych hosći na swoju hłownu zhromadźiznu pjatk, 14. februara, do Wotrowa. Započnjemy we 18.00 hodž. z Božej mšu w cyrkwi. Přizamknje so zhromadźizna na farje. Scěhowacy dnjowy porjad je předwidžany:

1. zahajenje
2. wólba nawody zhromadźizny
3. rozprawy předsydstwa, nawodow korporacijow a sekcijow
4. financna rozprawa TCM a Katolskeho Posoła
5. rozprawa rewizijneje komisije
6. diskusija a schwalenje rozprawow
7. informacije k namjetej připrawjenja wopomnjenskeje tafle za zbóžneho Alojsa Andrickeho w Smochćicach
8. diskusija
9. zakónčenje / modlitwa

Do a po hłownej zhromadźiznje změja člonoj skladnosć, swój lětny přinošk we wysokosći pjeć eurow zaplaćić.

Jurij Špitank, předsyda TCM

Zetkanje samostejacych

Samostejacy ze serbskich wosadow su na swoje přichodne zetkanje wutoru, 3. měrca, w 14 hodž. do Domu biskopa Bena w Smochćicach přeprašeni. Zajimcy njech so prošu hač do wutory, 25. februara, w redakciji Katolskeho Posoła přizjewja, telefonowe čisło (0 35 91) 55 02 12. Tež dalši zajimcy su wutrobnje witani. Štóž chce wotewzaty być, njech to prošu zdžěli.

Zhromadny dzeń za 1. a 2. lětnik

Džěcace a młodźinske dekanatne dušepastyrstwo přeprašuje džěci 1. a 2. lětnika pod hesłom „Nowy spočatk“ sobotu, 29. februara, wot 9 do 15 hodž. do Worklečanskeho Don Boskoweho domu. Zajimcy njech so prošu hač do pjatka, 21. februara, pod telefonowym čisłom (03 57 96) 8 87 07 abo z mailku na worklecy-kise@gmx.de přizjewja. Za wudawki dnja zběra so wot kóždého wobdžělnika přinošk, kotryž wučinja štyri eura.

Kubłanske dny serbskeje młodžiny

Pod temu „Stwórba Boža“ zarjaduje Worklečanske dekanatne dušepastyrstwo młodžiny wot pjatka do njedzele, 28. februara. do 1. měrca, kubłanske dny serbskeje młodžiny w Schmiedebergskim Domje Martina Luthera Kinga. Městna tam su wobmjezowane. Přizjewjenja z mailku na don.boskowy-dom@t-online.de přijimuju hač do srjedy, 12. februara.

Předstajenja noweje hry Bratrowstwa

Dziwadłowa skupina Kulowskeho Bratrowstwa předstaji swoju nowu žortnu hru „Namrěwstwa dla zawrjene“ njedźelu, 16. februara, w 17 hodź. w Radworskim hoscencu „Meja“ a sobotu, 29. februara, w 17 hodź. w Njebjelčicach. Terminy dalších předstajenjow na serbskich wsach so sčasom wozjewja.

Póstne seminary w Smochćicach

„Swětłownja abo narowny pomnik Boha“ rěka hłowna tema lětušich póstnych seminarow w Smochčanskim Domje biskopa Bena. Wone zahaja so póndźelu, 2. měrca, w 19.30 hodź. a pokročuja so na naslědnymaj póndźelomaj. Nadrobniše informacije k tomu wozjewja so přichodny tydzień.

„7 tydźenjow so wzdać“

Wot popjelneje srjedy hač do jutrow su pory přeprošene, zo bychu so na póstnej akciji pod hesłom „7 tydźenjow so wzdać“ wobdźělili. Přizjewić měli so pory w interneće. Link a nadrobniše informacije su na internetowej stronje www.posol.de wozjewjene.

„Mjenje stresa – wjace wjesela“

W Smochčanskim Domje biskopa Bena ma so w pjatym tydźenju lětnich prózdnin wot soboty do soboty, 15. do 22. awgusta, swójbny tydzień pod temu „Mjenje stresa – wjace wjesela“ wotměć. Staršim z dźěćimi wot třoch lět poskićuja tam móžnosć, we wšelakich seminarach nastorki za wšědny dzeń w swójbje dóstać. Při tym póndže wo respektny kubłanski stil, wo wid na potrěbnosće dźěći a młodostnych kaž tež wo to, na kotre wašnje móhli starši na mylace wašnja zadźerženja wotpowědnje reagować. W času seminarow za staršich změja dźěći swójsku zaběru. Kubłanske dny wobsahuja tohorunja pisany wólnočasny program. Nadrobne informacije dóstanu zajimcy w Smochćicach pod telefonowym čisłom (03 59 35) 2 23 17.

Do „Božeje zahrody“ a wokoliny

Ze Šmitec wozydłownistwom přeprošuju na putniku jězbu wot štwórtka do póndže, 30. julija do 3. awgusta, do tak mjenowaneje „Božeje zahrody“. W bazilice Vierzehnheiligen wobdźělili so na putniskich kemšach. Zastanjemy tohorunja w Bayreuce a wopytamy tam mjez druhim synagogu. W Bambergu wobhladamy sej biskopsku cyrkej a město, zeznajemy mošeju a změjemy tež swobodny čas. Nimo toho steja Bad Staffelstein, Lichtenfels a klóšter Banz na programje.

T. Kubašec